

1. Bafokeng ke ba tsoala ea 'Mope. 'Mope o na a ena le basali ba babeli. Mosali e moholo a tsoala Motanyane, e mong mosali a tsoala Makara le khaitseli ea hae Makaratsane. Ntata mosali e monyane ke Peete eo e neng e le motho ea hlonephehang lelokong la Mokoteli. Bitso la hae e ne e le Mofoqoi khaitseli ea Mokhachane. Batho ba ne ba kholoa hore Mofoqoi enoa e ne e le ngaka e neng e ena le matla a ho nesa pula. Joale he mosali enoa o na a fumana likhomo tse ngata ka bongaka ba hae. Khomo tseo e ne be lefa la mora oa hae Makara. Bana ba ha Makara e ne e le mahlobi hobane ba ne ba tsoaloe ke morali oa Peete lehlobi.
2. Makaratsana ea eba mosali e moholo oa Seephephe ea tsoetseng Mahao, Rankethoa, 'Mamohato mohatsa Moshoeshe.

Hoba 'Mope a hlokahale, Motanyane, mojalefa, ea neng a se a tsoile motse oa hahabo, a re Makara moena oa hae oa ntlo e nyane a bokelle phahlo tsa ntatae o ea li batla. Kamora hoba li bokelletsoe a re tsa bongaka ba 'mae ke tsa hae hoba mosali e monyane o sebeletsa mora e monyane oa hae. Motanyane a khanna tsa lefa a tsamaea empa a belaela hobane mosali o sebeletsa monna oa hae. Ha a fihla moo a neng a ahile teng a ikemisetsa hore a tle a li hape ka nto.

3. Ka tsatsi le leng Motanyane a ea lalla likhomo tsa Makara, empa mohlang oo Motanyane ha a ka a tsoella. Aboela hae le banna ba hae Motanyane. Morena Makara a longoa tsebe ke monna e mong ea itseng o bone maoto a batho ka sekhutlong. Eitse ha Makara a e-ea moo a fumana hore ke 'nete. Hoba a fihle hae a ntse lilaola tsa hae a fumana hore motho ea neng a ilo lalla ke moholoane oa hae. Makara, hobane le eena o na a utloile bohloko ha

Motanyane a nka likhomo kaofela a sa fumane letho lefeng la ntatae a mo hulanyetsa hore a tsoele pele ka takatso eo ea hae.

Hape lekhoaba la fihla la 'molella hore ka tsatsi le itseng Motanyane o tla fihla a tlo lalla. Mohla tsatsi leo le fihlang makhomo a tsoela moo ho lalloang teng ke Motanyane. Banna ba re ba ee masing (masimong?) ba se ba se ba/hlometse. Eitse ha ba ha Motanyane ba etsoa moo ba neng ba laletse teng, hlola ea Makara ea hlaba mokhosi. Eitse ha tseo tse hapiloeng li e tsoa lekhalong la Leribe, Makara a fihla. Eitse kamora nako e itseng e kopane, a baleha Motanyane.

4.

Kamora ntoa eo morena Makara le eena a tsoa bosiu a ea hlasela Motanyane. Ha ba fihla ba kopela motse hare. Makara le banna ba leshome ba sala holima thaba. A re etlare ha bosiu bo oela fatse a letse phala ba qale ho hlasela. Ka meso pele phala e lla ha tsoa mosali tlung a hlobotse, a le punopuno, a bona batho ba potileng motse a hoeletsa a re banna ba tsoe ka matlong eaba phala e se e letsoa. Ba kena banna ka matlong ha sebetsa lerumo.

5. Motanyane a baleha a hlobotse a hloella thabaneng moo Makara a neng a le teng eaba u ea tsoaroa ke Makara. Hobane Motanyane a kope tsoarelo, Makara a teha phala, ntoa ea emisa.

Kamora hobane banna ba buile Makara a bua mahlong a bona kaofela ka mokhoa oo moholoane oa hae a mo entseng hampe ka teng. Ha a tloha Makara a khanna makhomo le mapo (mapoli?). Ha Makara a fihla Maqhaoe a thibela, a romela motho ho Moshoeshoe hore a bitsoe. Ho fihleng ha Moshoeshoe a motsa hore hana a naka(?). A re o batla borena. Moshoeshoe a lumela. Eaba o re a nke kobo ena

ea hae a e apare (a bolela morena (borena?) e seng kobo e aparoang). Moshoeshe e ne e le motsoala oa Makara.

6. A re ho Moshoeshe a mo thole e be motho oa hae a mo thole hobane o ea bona kamoo ba habo ba mo tsoereng ka teng. Eaba Moshoeshe o khutlela hae ho ea tsebisa taba tseo. Ka tsatsi le hlahlamang leo Moshoeshe a khutlela hae a qhoba khomo tse ngata. Eaba Moshoeshe o tsebisa ntatae Mokhachane, khaitseli ea Mofogoi. Eare hoba Moshoeshe a fihle le likhomo ba ha Mokoteli ba hana ka baka la mohono, ba etsetsa hore khomo tseo li tle li nkoe ke bona. A hana Moshoeshe ha ema ka eena.

Ka tsatsi le hlahlamang a romela nau(?) le banna ho khahlanyetsa morena Makara. Ka mokhoa oo, Makara o na phunyetse Bafokeng ba Maotoana tsela ea ho inehela ho morena Moshoeshe. Eaba ke mohla 'muso oa Bafokeng ba ha Makara o felang.

end s.86